

## Yang Chĩc Choaiq Thõ Bar Santoiq Atõng

Yang chĩc choaiq thõ bar nài sám 90 cumo ntun Yê-su canõt. Yang la manoaq tẽ tốp rien tẽ Yê-su. Bo án chĩc thõ nài, án khoiq thâu lứq chơ. Án coi q sa-óh máh tốp sa-âm, ma án sacâm tốp ki cõt samoât manoaq cũai mpiq ca Yiang Sursĩ khoiq rươh, cốp rươh đêh máh con án. Saráq nài cakéh lứq, ma án ẽ catoaih máh cũai sa-âm, manoaq cóq ayooq manoaq, cốp cóq tutuaiq yõn samoât tẽ cũai ca atõng raphêq cõ yoc ẽ pupúrt máh ngê Yê-su Crĩt.

<sup>1</sup> Cúq Yang, la cũai thâu ca chĩc choaiq thõ nài coi q sa-óh tốp sa-âm Yê-su Crĩt. Anhia la samoât con cúq ayooq lứq. Ma tỡ bữn ống cúq sâng ayooq anhia, ma đêh nheq tữh cũai ca khoiq dáng ngê p̄ieiq tẽ Yê-su Crĩt la ayooq anhia tê.\*

<sup>2</sup> Ngê p̄ieiq ki ốt tâng mút pahõm hái sanua, cốp ốt cốp hái sốt đõi. Cõ hêq bữn ngê p̄ieiq ki, yuaq hêq ayooq anhia.

<sup>3</sup> Cúq sêq Yiang Sursĩ, Mpoaq hái, cốp Yê-su Crĩt la Con Yiang Sursĩ, chuai miat hái yõn bữn bán sũan ien khẽ níc, cốp ayooq táq hái. Hái lứq

---

\* **1:1** 1:1 Tâng parnai Créc án pai: “Cúq chĩc yõn cũai mpiq ca Yiang Sursĩ khoiq rươh cốp con acái án.”

bữn máh ramúh ki, khân hái táq p̄ieiq cóp bữn mút pahõm ayooq.

### *Ốc P̄ieiq Cóp Ốc Ayooq*

<sup>4</sup> Cúq sâng bữi lứq bữn ramóh máh cūai tẽ tốp anhia, alói ca puai samoât lứq ốc p̄ieiq tẽ Yiang Sursĩ, Mpoaq hái, khoiq patáp hái. <sup>5</sup> Yóu ơ! Sanua cúq sếq atõng anhia neq: Hái cóq manoaq ayooq manoaq. Ốc nài cúq patáp anhia la tở bữn ốc tamái. Ma hái khoiq bữn ốc patáp nài tẽ tangái hái mbõiq sa-âm Yê-su Crĩt. <sup>6</sup> Ốc ayooq la neq: Dũ ranáq hái táq, hái cóq puai máh ốc Yiang Sursĩ patáp. Ốc patáp nài anhia khoiq sâng tẽ tangái anhia mbõiq sa-âm, la anhia cóq bữn mút pahõm ayooq níc.

<sup>7</sup> Ma bữn sa-ũi lứq cūai p̄õq chu nài chu ki atõng parnai raphếq. Alói pai Yê-su Crĩt tở cõn Con Yiang Cõt Cūai. Máh cūai ki atõng raphếq, cóp alói yoc ẽ pupút máh ngê Yê-su Crĩt. <sup>8</sup> Ngkíq cóq anhia rabán o mút pahõm anhia, đõq máh ranáq hếq táq chuai anhia tở bữn ốq kia. Nỡ-ra Yiang Sursĩ lứq yõn anhia bữn cóng o tẽ máh ranáq anhia táq.

<sup>9</sup> Cūai aléq ma atõng luat tẽ parnai Yê-su Crĩt, cūai ki tở bữn lứq puai ngê Yê-su Crĩt. Cóp Yiang Sursĩ tở bữn ốt cóp cūai ki. Ma cūai aléq ma puai samoât samoi ngê Yê-su Crĩt, ki Yiang Sursĩ, Mpoaq hái, cóp Yê-su Crĩt, Con Yiang Sursĩ, lứq ốt cóp cūai ki. <sup>10</sup> Khân bữn cūai aléq toáq p̄õ anhia ma án tở bữn pruam cóp ngê Yê-su Crĩt, cóp án atõng parnai raphếq, ki anhia chõi mơi

án mut tâng dống anhia. Cóp chỗi tabõp tabéh án bũi o. <sup>11</sup> Cũai aléq ma roap tabõp tabéh o cũai ki, la ariang án pruam cóp ranáq sâuq cũai ki táq tê.

*Yang Yoc Põq Sa-óh Alói*

<sup>12</sup> Cúq noâng bữn sa-ữi santoiq yoc ẽ atõng anhia, ma cúq tở ẽq chĩc tâng choâiq. Cúq yoc lứq pỡq sa-óh anhia, cóp táq ntõng parnoi cóp anhia. Ngkíq hái cõt bũi óh lứq, manoaq táq ntõng cóp manoaq.

<sup>13</sup> Mách cũai sa-âm tâng vil nâi cõiq parnai sa-óh anhia tê.

**Parnai Yiang Sursĩ - Kinh Thánh tiếng Bru  
Bru, Eastern: Parnai Yiang Sursĩ - Kinh Thánh tiếng  
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 21 Feb 2024 from source  
files dated 29 Jan 2022

2f74bcbe-d4f1-5386-8c30-29d0147bb706